



Привремена заједничка комисија оба дома Парламентарне скупштине Босне и Херцеговине за спровођење процедуре за именовање по пет чланова филијала Канцеларије за разматрање жалби у Бањалуци и Мостару и једног члана Канцеларије за разматрање жалби у Сарајеву

Privremena zajednička komisija oba doma Parlamentarne skupštine Bosne i Hercegovine za provođenje procedure za imenovanje po pet članova filijala Ureda za razmatranje žalbi u Banjoj Luci i Mostaru i jednog člana Ureda za razmatranje žalbi u Sarajevu

Privremeno zajedničko povjerenstvo obaju domova Parlamentarne skupštine Bosne i Hercegovine za provođenje procedure imenovanja po pet članova podružnica Ureda za razmatranje žalbi u Banjoj Luci i Mostaru i jednog člana Ureda za razmatranje žalbi u Sarajevu

Broj:01,02-50-16-2331-2,5/20
Sarajevo, 4. 1. 2021.

Na osnovu člana 93. Zakona o javnim nabavkama („Službeni glasnik BiH“, broj 39/14), čl. 7. i 8. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj 37/03), Pravilnika o unutrašnjoj organizaciji Ureda za razmatranje žalbi, broj:01-02-3-221/13 od 15. 12. 2015, Odluke o razvrstavanju radnih mjesta i kriterijima za opis poslova radnih mjesta u institucijama Bosne i Hercegovine („Službeni glasnik BiH“, br. 30/13,67/15 i 51/18), člana 8. Poslovnika o radu Privremene zajedničke komisije oba doma Parlamentarne skupštine Bosne i Hercegovine za provođenje procedure imenovanja po pet članova filijala Ureda za razmatranje žalbi u Banjoj Luci i Mostaru i jednog člana Ureda za razmatranje žalbi u Sarajevu (u daljnjem tekstu: Privremena zajednička komisija) i Odluke o raspisivanju javnih konkursa, broj: 01,02-50-16-2331-2,4/21, od 4.1.2021.,

Privremena zajednička komisija r a s p i s u j e

JAVNI KONKURS ZA PROVOĐENJE PROCEDURE IMENOVANJA PO PET ČLANOVA FILIJALA UREDA ZA RAZMATRANJE ŽALBI U BANJOJ LUCI I MOSTARU

Radna mjesta za koja je raspisan javni konkurs:

1/01 priznati stručnjaci upravnog prava i/ili upravnog postupka

1/02 stručnjaci iz oblasti izvođenja radova, javnih nabavki, transporta i strateškog poslovnog upravljanja

Ured za razmatranje žalbi je samostalna nezavisna institucija sa statusom pravnog lica, sa sjedištem u Sarajevu. Ured za razmatranje žalbi rješava povodom žalbi u postupcima javnih nabavki. Članovi Ureda za razmatranje žalbi u izvršenju svoje funkcije su nezavisni, jednaki i

vezani isključivo za Ustav BiH i zakone u Bosni i Hercegovini. Članove Ureda za razmatranje žalbi imenuje Parlamentarna skupština BiH u skladu sa Zakonom o javnim nabavkama.

Ured za razmatranje žalbi u Sarajevu ima sedam članova, od kojih po dva iz reda naroda u Bosni i Hercegovini, jedan iz reda ostalih, pri čemu su dva člana iz reda naroda u BiH iz Republike Srpske, četiri iz naroda iz Federacije BiH, a jedan iz reda ostalih alternativno se bira iz jednog ili drugog entiteta.

Ured za razmatranje žalbi ima dvije filijale, sa sjedištem u Banjoj Luci i Mostaru. Filijale u Banjoj Luci i Mostaru imaju po pet članova, od kojih su tri člana priznati stručnjaci upravnog prava i/ili upravnog postupka, a dva člana su stručnjaci iz oblasti izvođenja radova, javnih nabavki, transporta i strateškog poslovnog upravljanja i biraju se putem javnog konkursa (član 93. Zakona o javnim nabavkama, „Službeni glasnik BiH“, broj 39/14).

U filijalama Ureda za razmatranje žalbi u **Banjoj Luci i Mostaru** upražnjeno je **ukupno 10 mjesta - po pet članova**.

FILIJALE UREDA ZA RAZMATRANJE ŽALBI U BANJOJ LUCI I MOSTARU

Radno mjesto: 1/01 priznati stručnjaci upravnog prava i/ili upravnog postupka

Opis poslova radnog mjesta člana filijala Ureda za razmatranje žalbi u Banjoj Luci i Mostaru:

Poslovi člana Ureda za razmatranje žalbi određeni su Zakonom o javnim nabavkama, Pravilnikom o unutrašnjoj organizaciji Ureda za razmatranje žalbi, Poslovnikom o radu Ureda za razmatranje žalbi. Član Ureda za razmatranje žalbi odlučuje u predmetima po žalbi u skladu sa Zakonom o javnim nabavkama, Zakonom o upravnom postupku, kao i Poslovnikom o radu Ureda za razmatranje žalbi, **odredbama koje se odnose na rad u vijećima za odlučivanje po žalbama**, učestvuje u pripremi prijedloga za periodične i godišnje izvještaje, prati zakone i praksu institucija Evropske unije u oblasti javnih nabavki kao i drugih relevantnih propisa, naročito prakse Suda pravde EU. Odgovornost za rad članova Ureda za razmatranje žalbi utvrđuje se na osnovu Zakona o javnim nabavkama i zakona na nivou BiH koji se odnose na odgovornost lica koja imenuje Parlamentarna skupština BiH.

Posebni uslovi: fakultetsko obrazovanje VSS - pravni fakultet (VII. stepen); najmanje pet godina radnog iskustva u struci, da su priznati stručnjaci upravnog prava i/ili upravnog postupka; da imaju stručna znanja iz oblasti javnih nabavki, poznavanje oblasti koja su u uskoj vezi s javnim nabavkama, kao što su: tržišna konkurencija, javni prihodi, direktive EU kojima se uređuju javne nabavke.

Broj izvršilaca: šest (6)

- tri (3) u Filijali Ureda za razmatranje žalbi u Banjoj Luci;
- tri (3) u Filijali Ureda za razmatranje žalbi u Mostaru.

Status: imenovano lice

Radno mjesto: 1/02 stručnjaci iz oblasti izvođenja radova, javnih nabavki, transporta i strateškog poslovnog upravljanja

Opis poslova radnog mjesta člana filijala Ureda za razmatranje žalbi u Banjoj Luci i Mostaru: Poslovi člana Ureda za razmatranje žalbi određeni su Zakonom o javnim nabavkama, Pravilnikom o unutrašnjoj organizaciji Ureda za razmatranje žalbi, Poslovníkom o radu Ureda za razmatranje žalbi. Član Ureda za razmatranje žalbi odlučuje u predmetima po žalbi u skladu sa Zakonom o javnim nabavkama, Zakonom o upravnom postupku, kao i Poslovníkom o radu Ureda za razmatranje žalbi, učesće u pripremi prijedloga za periodične i godišnje izvještaje, prati zakone i praksu institucija Evropske unije iz oblasti javnih nabavki kao i drugih relevantnih propisa, osobito prakse Suda pravde EU. Odgovornost za rad članova Ureda za razmatranje žalbi utvrđuje se na osnovu Zakona o javnim nabavkama i zakona na nivou BiH koji se odnose na odgovornost lica koja imenuje Parlamentarna skupština BiH.

Posebni uslovi: fakultetsko obrazovanje VSS – VII. stepen; najmanje pet godina radnog iskustva u struci; da su stručnjaci iz oblasti izvođenja radova, javnih nabavki, transporta i strateškog poslovnog upravljanja; da imaju stručna znanja iz oblasti javnih nabavki, poznavanje oblasti koje su u uskoj vezi s javnim nabavkama, kao što su: tržišna konkurencija, javni prihodi, direktive EU kojima se uređuju javne nabavke;

Broj izvršilaca: četiri (4)

- dva (2) u Filijali Ureda za razmatranje žalbi u Banjoj Luci;
- dva (2) u Filijali Ureda za razmatranje žalbi u Mostaru.

Status: imenovano lice

Mandat:

U skladu s članom 93. stav (11) Zakona o javnim nabavkama („Službeni glasnik BiH“, broj 39/14), mandat članova Ureda za razmatranje žalbi je pet godina, s mogućnošću jednog ponovnog imenovanja.

Napomena za sve kandidate:

Pored posebnih uslova navedenih u javnom konkursu, kandidati moraju ispunjavati i opće uslove.

Opći uslovi za sve kandidate:

- da je stariji od 18 godina;
- da je državljanin Bosne i Hercegovine;
- da nije otpušten iz državne službe u institucijama Bosne i Hercegovine, odnosno entiteta, kao rezultat disciplinske mjere u periodu od tri godine prije dana objavljivanja upražnjenog mjesta;
- da se protiv njega ne vodi krivični postupak;
- da nije pravosnažno osuđen za krivično djelo na kaznu zatvora dužu od šest mjeseci;
- da nije obuhvaćen odredbom člana IX. stav 1. Ustava BiH.

Dokumenti potrebni za učesće na javnom konkursu:

- 1) vlastoručno potpisana biografija (CV) sa izjavom o nacionalnom opredjeljenju, adresom i telefonskim brojem za kontakt;
- 2) ovjerenu kopiju fakultetske diplome (nostrificirane diplome ako fakultet nije završen u Bosni i Hercegovini ili je diploma stečena nakon 6. 4. 1992. u nekoj od država nastalih na

području bivše SFRJ, a kandidati koji su visoko obrazovanje stekli po Bolonjskom procesu uz ovjerene kopije fakultetskih diploma trebaju dostaviti i ovjerene kopije dodataka fakultetskih diploma);

- 3) uvjerenje o državljanstvu Bosne i Hercegovine, ne starije od šest mjeseci;
- 4) potvrda ili uvjerenje kao dokaz o traženom radnom iskustvu u struci, izdat od nadležne institucije;
- 5) izjava ovjerena od nadležnog organa da nije otpušten iz državne službe u institucijama Bosne i Hercegovine, odnosno entiteta, kao rezultat disciplinske mjere u periodu od tri godine prije dana podnošenja prijave za upražnjena mjesta;
- 6) izjava ovjerena od nadležnog organa da protiv njega nije pokrenut krivični postupak;
- 7) izjava ovjerena od nadležnog organa da nije pravosnažno osuđivan na kaznu zatvora duže od šest mjeseci;
- 8) izjava ovjerena od nadležnog organa da nije obuhvaćen odredbom člana IX. stav 1. Ustava BiH.
- 9) vlastoručno potpisanu izjavu i ovjerenu od nadležnog organa da je saglasan da se njegovi lični podaci mogu koristiti u ovoj konkursnoj proceduri.

***Napomena za sve kandidate:**

Pod radnim iskustvom podrazumijeva se radno iskustvo nakon stečene visoke stručne spreme, odnosno visokog obrazovanja. Traženi dokumenti moraju biti originali ili ovjerene kopije, a izjave ovjerene kod nadležnog organa, s tim što predati dokumenti ne podliježu vraćanju.

Zabrana diskriminacije: nijedna prijava ne može biti izuzeta iz razmatranja isključivo po osnovu kandidatovog spola, rase, boje kože, jezika, vjeroispovijesti, političkog ili drugog mišljenja, nacionalnog i društvenog porijekla, veze s nekom nacionalnom manjinom, imovinskog statusa, rođenja ili drugog statusa.

Nakon provođenja javnog konkursa, kandidati koji budu ispunjavali uslove javnog konkursa bit će pozvani na intervju. Cilj intervjuja je utvrđivanje stručnosti i osposobljenosti kandidata za obavljanje poslova te krajnja i ukupna ocjena kandidata.

***Po završetku postupka imenovanja, a prije preuzimanja dužnosti, imenovani kandidati dužni su instituciji Bosne i Hercegovine dostaviti:**

1. uvjerenje o radnoj sposobnosti (**ljekarsko uvjerenje**), kao dokaz da su zdravstveno sposobni za obavljanje navedenih poslova predviđenih ovom pozicijom (ne starije od 30 dana) i
2. dokaz (**uvjerenje o nevođenju krivičnog postupka**) da protiv njih nije pokrenut krivični postupak za krivično djelo za koje je predviđena zatvorska kazna tri i više godina, izdat od nadležnog suda (ne stariji od tri mjeseca od dana izdavanja od nadležnog organa).

Način i rok za podnošenje prijave:

Kandidati koji budu konkurirali na više mjesta za člana filijala Ureda za žalbe u Banjoj Luci i Mostaru, mogu dostaviti samo jedan primjerak dokumentacije i pri tome trebaju naglasiti za koja radna mjesta konkuriraju.

Javni konkurs objavljuje se u "Službenom glasniku BiH", "Službenom glasniku Brčko Distrikta BiH" i na internetskoj stranici Parlamentarne skupštine BiH: www.parlament.ba. (Sekretarijat/Oglasi/Konkursi/Interno/), a u dnevnim listovima „Dnevni avaz“, „Glas Srpske“ i „Večernji list“ bit će objavljeno obavještenje o javnom konkursu.

Prijavu na javni konkurs s traženom dokumentacijom treba dostaviti najkasnije 15 dana od dana objavljivanja u "Službenom glasniku BiH", od kada će se računati i rokovi.

Prijava s dokumentacijom dostavlja se poštom, preporučeno, na adresu:

Privremena zajednička komisija oba doma Parlamentarne skupštine Bosne i Hercegovine za provođenje procedure imenovanja po pet članova filijala Ureda za razmatranje žalbi u Banjoj Luci i Mostaru i jednog člana Ureda za razmatranje žalbi u Sarajevu

**„JAVNI KONKURS
ZA PROVOĐENJE PROCEDURE IMENOVANJA ČLANOVA FILIJALA UREDA
ZA RAZMATRANJE ŽALBI U BANJOJ LUCI I MOSTARU “ - *ne otvarati***

71 000 Sarajevo, Trg BiH br. 1

Napomena: Nepravovremene, nepotpune i neuredne prijave neće biti razmatrane.